

समे .18:15 Hrs

Headlines

- Axiom-4 मिशन पर गेदे भारतीय अंतरिक्ष यात्री Group captain Shubanshu Shukla ते 2 होरनें सदस्ये दी धरती वापसी दा सफर शुरू होआ।
- सीनियर बीजेपी नेता ते जम्मू-कश्मीर दे साबका उपमुख्यमंत्री कविंद्र गुप्ता होरे'गी केंद्र शासित प्रदेश लद्दाख दे नमें उपराज्यपाल दे तौरा पर नियुक्त कीता गेआ ऐ।
- सौन म्हीने दे पैहले संगारे अज्ज बड़ी बद्द गिनतरी च लोके मंदरे च मत्था टेकिये भगवान शिव हुंदा अशीर्वाद लैता।
- जम्मू दे केंद्री विश्वविद्यालय नै NPTEL SWAYAM च लगातार त्रीस बारी ए ग्रे हासल कीता ऐ।
- ते मौसम विभाग नै जम्मू खिते दी कई थाहरे पर अज्जै थमां लेइये 17 जुलाई तगर भारी बरखा बरने दी पेशनगोई कीती ऐ।

<><><><><><>

Axiom

एक्सियोम-4 मिशन पर गेदे भारतीय अंतरिक्ष यात्री गुप कैप्टन शुभांशु शुक्ला ते 3 होर सदस्ये दी धरती वापसी दा सफर शुरू होई गेआ ऐ। मिशन दे सदस्य कल लगभग 3 बजे धरती पर पुंजडन। पुज्जने मगरा शुभांशु शुक्ला ते 3 होर सदस्ये गी फ्लाइट सर्जनें दे निरीक्षण च 7 दिन आस्ट्रे रक्खेआ जाग तां जे वापस धरती Gravity दे मूजब ओह् अपने आप गी ढाली सकन।

<><><><><><>

## LG-Kavinder

भारती जनता पार्टी दे सीनियर नेता ते जम्मू-कश्मीर दे साबका उपमुखमंत्री कविंद्र गुप्ता होरेंगी लद्दाख केंद्र शासित प्रदेश दा नमां लेफ्टिनेंट गवर्नर नियुक्त कीता गेआ ऐ। कविंद्र गुप्ता होरें जम्मू-कश्मीर विधानसभा दे स्पीकर दे तौरा पर बी अपनियां सेवां दितियां न। ओह मार्च 2015 थमां लेइर्य अप्रैल 2018 तगर जम्मू-कश्मीर विधानसभा दे स्पीकर रेह न। मगरा उनें द'ऊं म्हीने लेई जम्मू-कश्मीर राज्य दे उपमुखमंत्री दे तौरा पर औहदा साम्भेआ। कविंद्र गुप्ता हुंदी लद्दाख दे उपराज्यपाल दे तौरा पर नियुक्ति ब्रिगेडियर (रिटायर्ड) डॉ. बी.पी मिश्रा हुंदा इस्तीफा राष्ट्रपति द्रौपदी मुर्मू हुंदे आसेआ स्वीकार करने मगरा होई ऐ। इस मौके पर मीडिया आहलें कन्ने गल्ल करदे होई कविंद्र गुप्ता होरें आखेआ।

<><><><><><>

## Sawan-Monday

अज्ज सौन म्हीने दे पैहले संगारें दे मौके पर देसै दे बाकी हिस्सें आहले लेखा जम्मू प्रांतें दे सब्भनें शिवालये च भक्तें दा बड़ा मता रश दिक्खने गी लब्बा। रियासी जिले च बड़ी मती मान्यता आहली शिवखोड़ी दी पवित्तर गुफा च बी बड़ी बद्द गिनतरी च शिवभक्तें दी भीड़ लगगी दी रेही। शिवालिक पहाड़ियें पर स्थित शिवखोड़ी गुफा च मत्था टेकने आस्तै मुख्य भरै थमां लोक इत्थे ओंदे न। आकाशवाणी समाचार कन्ने गल्ल करदे होई किश श्रद्धालुएं अपने विचार इस चाल्ती सांझे कीते।

तोआई, ज्हारां बद्दे श्रद्धालुएं पुंछ जिले च श्री बुड्ढा अमरनाथ जी दे मंदरै च ते दशनामी अखाड़े च बी अज्ज सौन म्हीने दे पैहले संगारे मत्था टेकियै शिवें दा अशीर्वाद लैता। इस ध्याड़े दी मान्यता उप्पर लोस पांदे होई पंत अरूण कुमार होरें आखेआ।

<><><><><><>

## Buddha-Amarnath

ऑंदी 28 जुलाई थमां शुरु होआ'रदी श्री बुड्ठा अमरनाथ जी दी जातरा लेई पुंछ जिले च पुलसै सुरक्षा दे सब्बै बंदोबस्त करी लैते न तां जे जातरा गी रमानदारी ते बवस्थित ढंग्गै कन्नै करोआना यकीनी बनाया जाई सकै। इस्सै सिलसिले च पूरे जिले च जगह-जगह नाके लाए गेदे न। पुलस आसेआ गड्णियें दी जांच कीती जा 'रदी ऐ। एहदे अलावा जातरा दौरान कन्नू बवस्था बनाई रखने लेई बाद्दू पुलसकर्मियें दी तैनाती कीती गेदी ऐ। सुरक्षा बंदोबस्तें बारै संदोख प्रगट करदे होई इक मकामी बसनीक नै आखेआ।

<><><><><><>

## JMC-Commissioner

शैहर च साफ-सफाई बनाई रखने दे मकसद कन्नै जम्मू म्युनिसिपल कारपोरेशन दे कमिशनर ऑ. देवांश यादव होरें बक्ख-बक्ख थाहरें दा चानचक्क दौरा लाया ते श्री अमरनाथ जी दी जातरा दे मददेनजर जात्रिएं लेई कायम थाहरें दा निरीक्षण कीता। श्रद्धालुएं दे रश गी दिखदे होई यादव होरें कई सारी थाहरें जेदे च भगवती नगर जात्री निवास, बिक्रम चौक, ज्यूल, कच्ची छावनी, रिहाड़ी, नरवाल ते किश होर इलाकें दा दौरा लाया ते साफ-सफाई ते होर दुई सुविधाएं दा जायजा लैता।

<><><><><><>

## WPI

भारत दा थोक बिक्री मूल्य सूचकांक मुद्रास्फीति पिछले बरे इस्सै अवधि दी तुलना च 0 अशारिया 13 फीसद तगर हेठ आई ऐ। वाणिज्य ते उद्योग मंत्रालय आसेआ जारी आंकड़ें मूजब एह गिरावट खाने-पीने आहली चीजें, खनिज तेल, मूल धातुएं दे निर्माण, कू पेट्रोलियम ते कुदरती गैस दे मूल्य च कमी करी आई ऐ। थोक बिक्री मूल्य सूचकांक आधारित मुद्रास्फीति इस ब'रे मार्च म्हीने दे बाद लगातार घट्ट होई ऐ। मुद्रास्फीति हेठ आइए मई म्हीने दौरान 14 म्हीने च सब्भनें थवां

घट्ट 0 अशारिया 39 फीसद पर आई गई। खाद्य मुद्रास्फीति ब'रे दर ब'रे 0 अशारिया 26 फीसद तगर हेठ आई जिसले कि मुख चीजें च 0-3 अशारिया 38 फीसद गिरावट आई ऐ।

<><><><><><>

### CUJ-A Grade

जम्मू दे केंद्री विश्वविद्यालय दे Swayam-NPTEL local Chapter गी लगातार त्री बारी ए-ग्रेड हासल होआ ऐ। NPTEL तकनीकें पर आधारित इक राश्ट्री सिखलाई कार्यक्रम ऐ जेड़ा आई.आई.टी ते आई.आई.एस.सी आसेआ रम्भेआ गेआ ऐ। एहदे तैहत भारत सरकार Swayam platform राहें इंजीनियरिंग, साईंस ते आर्ट्स ज्नेह विषयें च आनलाइन कोर्स उपलब्ध करोआंदी ऐ। जम्मू दे केंद्री विश्वविद्यालय नै शैक्षणिक उत्कृष्टता प्रति अपनी प्रतिबद्धता दर्शाई ऐ। इक्कले इस सत्र च गै 28 विद्यार्थियें गी सुन्ने दे तगमे, 237 विद्यार्थियें गी चांदी दे तगमे जिल्लै के 335 विद्यार्थियें गी elite certificate हासल होए न।

<><><><><><>

### IIM-Jammu

भारतीय प्रबंधन संस्थान(आईआईएम) जम्मू नमें एमबीए, ईएमबीए, पीएचपी ते एमबीए (हेल्थकेयर) बैचें दा सुआगत करने आस्तै अपने जगटी कैंपस च अज्जै कोला 18 जुलाई 2025 तगर 5एं दिनें दे समग्र परिचय कार्यक्रम दी मेजबानी करा'रदा ऐ। कार्यक्रम दी शुरूआत केन्द्र मंत्री षॉ. जितेन्द्र सिंह हुंदे आस्सेआ अज्ज दपैहरी लै इक नमें छात्रावास परिसर दे उद्घाटन कन्नै होग। तोआई, उपराज्यपाल मनोज सिन्हा होर कार्यक्रम दे समापन सत्र च शामिल होंगन। इस परिसर च कृष्णा, सिंधु, नर्मदा ते यमुना नां दे कुल 4 हॉस्टल न जिंदे च कुल मलाइयै 688 कमरे न। इस मौके पर बोलदे होई षॉ. जितेंद्र सिंह होरें आखेआ।

<><><><><><>

## Doda-SBM

डोडा जिले च सार्वजनिक स्वच्छता ते युवा विकास गी जकीनी बनाने दी भेठा इक अहम गैह पुट्टदे होई जिला विकास कमीशनर हरविंदर सिंह होरें कल सरकारी मैणिकल कालेज डोडा दे ओपीपी ब्लाक कश इक दऊं मंजला संगठित सुविधा दा नीह पत्थर रखेआ। स्वच्छ भारत मिशन दे दुए गेड़ तैहत शुरू कीती गेदी इस परियोजना दा मकसद स्वच्छता ढांचे दा विस्तार करना ते नोजवानें लेई साजगार म्हौल आली थाह उपलब्ध कराना ऐ। अधिकारिक जानकारी मूजब इस ब्लाक च अज्जै कल्लै दे ढंगै दिएं स्वच्छता इकाइएं दे इलावा समुदाय दे इस्तेमाल लेई बहुउपयोगी थाह बी उपलब्ध होग। इस बारै होर मती जानकारी दिंदे होई डोडा दे पिप्टी कमिशनर हरविंदर सिंह होरें आखेआ।

<><><><><><>

## ARTO-Kishtwar

किश्तवाड़ दे ए.आर.टी.ओ तसलीम वाणी होरें पैहली जून थमां अजें तोड़ी 4 गड़पिं दे परमिट 3 महीने लेई सरबंधी कनूनें तैहत सस्पें करी दिते न। किश दे ड्राइविंग लाइसेंस, 230 गड़पिं दे ई-चलान, 31 गड़पियां जब्त कीतियां गेड़याह ते 51 गड़पिं गी ब्लैक लिस्ट करी दिता ऐ। मोटर गड़पिं दे कनून तैहत 9 लख 65 जहार रपे बतौर जुर्माना बी वसूल कीता गेआ। एह कार्रवाई खतरनाक तरीके कन्नै गड़पी चलाने, ओवरलोपिंग करने, तेज गड़पी चलाने जनेय कम्में खलाफ कीती गेई ऐ।

<><><><><><>

## Weather

हून जानकारी मौसम बारै। मौसम विभाग नै 17 जुलाई तगर जम्मू संभाग दी किश-किश थाहरें पर भारी बरखा बरने जिल्लै के कश्मीर घाटी दी किश-किश थाहरें पर गरज-चमक कन्नै हल्की

थमां दरम्याने दर्जे दी बरखा दी पेशनगोई कीती ऐ। करसानें गी सलाह दिती गेई ऐ जे ओह् इस दौरान राई-बाई आहले कम्म-काजें गी भलेआं बंद करी देन ते जेकर लोड़ होऐ ते मैहकमे कन्नै राबता करन। 17 जुलाई तगर पहाड़ी इलाकें दी किश थाहरें पर पस्सियां पौने दा खतरा बने दा रौहगं जात्रुएं ते मकामी लोकें गी सलाह दिती गेई ऐ जे ओह् नेइयें थाहरें पर जातरा करने थमां परहेज करन जित्थे ल्हास पस्सियां पौने दा अंदेशा लाया गेदा ऐ। इस बारै होर मती जानकारी देआरदे न मौसम विभाग दे अधिकारी ब्रह्मपाल।

<><><><><><>